

洞玄靈寶天尊說十戒經

天尊言善男子善女人能發自然道意來入  
法門受我十戒十四持身之品則為大道清  
信弟子皆以勇猛飛天齊功於此時進心不  
懈退者即超凌三界為上清真人

陶五

十

一者不殺當念眾生二者不得妄作邪念三  
者不得取非義財四者不欺善惡反論五者  
不醉常思淨行六者宗親和睦無有非親七  
者見人善事心助歡喜八者見人有憂助威  
作福九者彼來加我志在不報十者一切未

得我不有望

次說十四持身之品

與人君言則惠於國與人父言則慈於子與  
人師言則愛於衆與人臣言則忠於上與人  
兄言則友於弟與人子言則孝於親與人友  
言則信於交與人夫言則和於室與人婦言  
則貞於夫與人弟言則恭於禮與野人言則  
勤於農與賢人言則志於道與異國人言則  
各守其域與奴婢言則慎於事

天尊言曰修奉清戒每合天心常行大慈願



爲一切普度危世謙謙尊教不得中怠寧守  
善而死不爲惡而生於是不退可得拔度五  
道不履三惡諸天所護萬神所敬長齋奉戒  
自得度世而爲偈曰

一切修學人 誓願成真道 慈悲念戒文

陶五

十一

道聲斷煩惱

洞玄靈寶天尊說十戒經

